




საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

მიმინოშვილი რომან სევერიანეს ძე



რ. მიმინოშვილი

მიმინოშვილი რომან სევერიანეს ძე (3. V. 1928, სოფ. სუჯუნა, ახლანდ. აბაშის მუნიციპალიტეტი, – 3. III. 1998, თბილისი), ლიტერატურათმცოდნე, მთარგმნელი. ფილოლ. მეცნ. დოქტორი (1968). დაამთავრა თსუ-ის ფილოლ. ფაკ-ტი (1952). 1958-იდან იყო შოთა რუსთაველის სახ. ქართ. ლიტ-რის ისტორიის ინ-ტის უფრ. მეცნიერი თანამშრომელი, 1974-იდან – საქ. სსრ კპ ცკ-ის კულტ. განყ-ბის გამგის მოადგილე, 1981-იდან – საქართვე. მწერალთა კავშირის გამგეობის მდივანი. პირველი ლექსი 1945 გამოაქვეყნა, პირველი წიგნი „ელადის მუზა“ (ანტ. ბერძნ. პოეზიის ანთოლოგია) – 1963. მისი ძირითადი ნაშრომებია: «იოანე დამასკელის „გარდამოცემის“ ქართული თარგმანები» (1966, 2006), „მოდმე ლიტერატურათა მეგობრობა“ (1972, რუს. ენაზე;

თანაავტ. ი. ბოგომოლოვი), „გვიამბობს მოხუცი ჰომეროსი“ (1978), იუმორისტულ ნაწარმოებთა კრებ. „ბურთი ჩვენი არსობისა“ (1970), „ლექსები, პროზა, თარგმანები, პუბლიცისტიკა“ (2009) და სხვ. ქართულად თარგმნა ვერგილიუსის „ენეიდა“ (1976) და ჰომეროსის „ილიადა“ (1979). 1992 მ. იყო საქართვე. რესპუბლიკის სახელმწ. საბჭოს, 1992-95 – საქართვე. მე-3 მოწვევის, ხოლო 1995-98 – მე-4 მოწვევის პარლამენტის წევრი.

1994 მიენიჭა ი. მაჩაბლის სახ. პრემია.

დაკრძალულია მწერალთა და საზ. მოღვაწეთა დიდუბის პანთეონში.

